

Ikiaroorntut pillugit Inatsisartut inatsisaat

Nalinginnaasumik aalajangersakkat

§ 1. Naalakkersuisut ikiaroorntut, tassunga ilanngullugit ikiaroorntut assigiinngitsut nunani tamalaani aalajangersakkat naapertorlugit imaluunniit Nunatsinni Nakorsaaneqarfiup naliliinera malillugu ikiaroornermik sunniuteqartartunik akoqarneri imaluunniit ikiaroorntumik akoqartutut ilimagineqarneri pissutigalugit immikkut ulorianarlunnartut pillugit malittarisassanik imatut aalajangersaasinnaapput:

- 1) Naalakkersuisut immikkut illuinnartumik tamatumunnga akuersinngippata ikiaroorntunik maani nunamiittoqassanngitsoq. Akuersissummut piumasaqaatinik Naalakkersuisut aalajangersaasinnaapput. Akuersissut tunniunneqarsimasoq kingusinnerusukkut atorunnaarsinneqarsinnaavoq.
- 2) nakorsaatitut ilisimatusarnermulluunniit atatillugu taamaallaat atorineqassasut.

§ 2. Nunatta Nakorsaataasivia ikiaroorntunik § 1, nr. 2 naapertorlugu eqqussinissamut annissinissamullu, tuniniaanissamut, pisinissamut, sananissamut piareersaanissamullu akuerisaavoq.

Imm. 2. Nunatta Nakorsaataasivia, napparsimavinni nakorsaataasiviit kiisalu inuit suliffeqarfillu matumunnga Naalakkersuisunit immikkut akuerineqarsimasut ikiaroorntunik § 1, nr. 2 naapertorlugu tunniussinissamut, tigusinissamut paarisqaarnissamullu akuerisaapput. Pineqartut siuliani taaneqartutut iliuuseqarnerannut tunngatillugu killilersuutinik nalinginnaasunik aammalu pineqartunut tamanut immikkut killilersuutinik Naalakkersuisut aalajangersaasinnaapput, soorluttaaq Naalakkersuisut ikiaroorntunut tunngatillugu pisinnaatitaaffinnik killiliisinnaasut atorunnaarsitsisinnaasulluunniit.

Imm. 3. Nunatta Nakorsaataasiavianit napparsimavinnilu nakorsaataasivinnit ikiaroorntunik pisineq tiguserlu kiisalu paarisqaarnek, malittarisassat atuuttut naapertorlugit nakorsaatissanut allagartaq allagartarlunniit inniminniissut naapertorlugu inunnet pissarsisunut inerteqqutaanngillat.

Imm. 4. Imm. 1-3 pinnagit ikiaroorntunik § 1-imi taaneqartunik eqqussineq annissinerlu, tuniniaaneq, pisineq, tunniussineq, tigusineq, sananeq, piareersaaneq paarisqaarnerlu aamma inerteqqutaapput.

Akuersissutit

§ 3. Nunatta Nakorsaaneqarfia § 1, nr. 1, aamma § 2, imm. 2 naapertorlugu oqartussatut isumaginnissaaq.

Imm. 2. Naalakkersuisut Nunatta Nakorsaaneqarfiata akuersissutitut tunngasunik sulineranut akiliutinik inunnet suliffeqarfinniilluunniit tamakkiisumik ilaannakortumilluunniit akileeqqusinermut akiliinermullu malittarisassanik aalajangersaasinnaapput. Akitsuutit sulianut aalajangersimasunut Nunatta Nakorsaaneqarfiata sularisaanut imaluunniit Nunatta Nakorsaaneqarfiata nalinginnaasumik sularisartagaanut, tassunga ilanngullugit nakkutilliineranut ukiumoortumik akitsuutaatinneqassapput.

Nakkutilliineq

§ 4. Naalakkersuisut nakkutilliineq pillugu malittarisassanik, § 1-ip kiisalu § 2, imm. 1 oqaaseqatigiit aappaat malillugit maleruarneqarnerannik qulakkeerinnittunik, tassunga ilanngullugit eqqartuussiviit akuersiteqqaarnagit malittarisassat taaneqartut malinneqarnissaannik nakkutilliineq siunertaralugu nakkutilliinermik oqartussat ininut sumiiffinnulluunniit allanut isersinnaanerat pillugu malittarisassanik aalajangersaasinnaapput.

Imm. 2. Oqartussat nakkutilliisut taamatuttaaq eqqartuussiviit akuersiteqqaarnagit uninngasuutitut, atuakkanut, niuernermit pappialaatinut paasissutissanullu allanut, nakkutilliinerup naammassinnaanut pisariaqartunut tunngasunik piumasaqarsinnaapput.

Pineqaatissiissutit pillugit aalajangersakkat

§ 5. § 2, im. 4-mik unioqqutitsineq Pinerluttulerinermi inatsimmi malittarisassat malillugit pineqaatissiissutigineqarsinnaavoq inatsisitigullu allatut malitseqartinneqarsinnaalluni.

Imm. 2. Inatsisartut inatsisaat manna naapertorlugu najoqqutassanut atuutilersinneqartunut Pinerluttulerinermi inatsimmi malittarisassat malillugit pineqaatissiissutinik inatsisitigullu malitseqartitsissutissanik allanik aalajangersaasoqarsinnaavoq.

Imm. 3. Inatsisartut inatsisaat imaluunniit Inatsisartut inatsisaat naapertorlugu najoqqutassat atuutilersinneqartut akiliisitsissummik aalajangersaanissamut tunngavissiisimappata, akiliisitsissut pinerluttulerinermi inatsimmi malittarisassat naapertorlugit inatsisitigut pisinnaatitaasumut pisussaataasumullu akileqquneqarsinnaavoq.

Imm. 4. Pineqaatissiissutissamik uuttortaanermi ikiaroonartut pineqartut ajoqusiisinnaanerat isiginiarneqassaaq. Tamatuma saniatigut uku annertuumik sakkortusaataasussatut isigineqassapput:

- 1) Ikiaroonartunik immikkut ulorianartunik ajoqusiisinnaasunilluunniit arlaleriarluni tuniniaasoqartarsimanera, imaluunniit
 - 2) Ilinniarteqarfinni, neriniartarfinni, tassunga ilanngullugit qitigiartarfinni imaluunniit tusarnaartitsinerni aamma festivalini ikiaroonartunik § 1-imi pineqartunik tuniniaasoqarsimanera imaluunniit kingusinnerusukkut tuniniaanissaq siunertaralugu akeqanngitsumik tunniussisoqarsimanera.
- Tamannattaaq aqqissuussinerni allani meeraanerusut imaluunniit inuusuttuunerusut peqataaffiginerusartagaanni atuuppoq.

Imm. 5. Akiliisitsinerit arsaarinninnerillu imm. 1-3 malillugit aalajangersarneqartut Nunatta Karsianut tutsinneqassapput.

§ 6. Inuk eqqunngitsunik paatsoorneqarsinnaasunillu paasissutissiinnikkut peqquserlulluniluunniit nipangiussinermigut Inatsisartut inatsisaat imaluunniit taanna naapertorlugu najoqqutassat atuutilersinneqartut naapertorlugit akuersissummik pissarsisoq pissarsiniartorluunniit, imaluunniit akuersissummut piumasaqaatit akerlianik iliortoq pinerluttulerinermi inatsimmi malittarisassat naapertorlugit pineqaatissinneqassaaq.

Imm. 2. Aamma inuk ikiaroonartunik § 1-imi pineqartunik nakorsaatissanut allagartaq allagartarlunniit

inniminniissut imaluunniit ikiaroornartunik nakorsap nakorsaatissiissutaa pillugit saaffiginninnermini
aterminik, najukkaminik atorfimminilluunniit eqqunngitsumik paasissutissiisoq pineqaatissinneqassaaq.

Atuutilersitsinermut atorunnaarsitsinermullu aalajangersakkat

§ 7. Inatsisartut inatsisaat 1. januar 2023-mi atuutilissaaq.

Imm. 2. Tamatuma kingorna ikiaroornartut pillugit inatsit nr. 169, 24. maj 1955-imeersoq (lov nr. 169 af
24. maj 1955 om euforiserende stoffer) Kalaallit Nunaannut atuukkunnaassaaq.

Namminersorlutik Oqartussat, ulloq 25. november 2022

Múte Bourup Egede
Naalakkersuisut Siulittaasuat

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut